

**Uunga siunnersuut: Ikiaroorartut pillugit Inatsisartut inatsisaat**  
(Meeqqanut, Inuusuttunut, Ilaqutariinnut Peqqissutsimullu Naalackersuisoq)

**Akissuteqaat**

(Meeqqanut, Inuusuttunut, Ilaqutariinnut Peqqissutsimullu Naalackersuisoq)

**Aappassaaneerneqarnera**

Aallaqqaasiutitut Naalackersuisut sinnerlugit Ilaqutariinnermut Peqqissutsimullu Ataatsimiititaliap isumaliutissiisummik peqqissaartumik suliaqarsimanerat pillugu qujassuteqarusuppunga.

Naalackersuisut maluginiarpaat Ataatsimiititaliap isumaqatigiissup siunnersuut akuerineqartussatut inassutigimmagu.

Ataatsimiititaliap isumaliutissiisummi erseqqissaatigaa siunnersuutip akuersissutigineqarnerani, ikiaroorartut pineqartillugit, inuit peqqissusaat illersortuarneqarnissaat ukkatarineqarnissaa pingaaruteqartuusoq, Naalackersuisuniillu tamanna soorunami isumaqatigineqarpoq.

Inatsisitigut atuuttut politikikkut allangortinnissaat aalajangiunneqartillugit, pitsaasumik pitsaanngitsumillu arlalitsigut ilimaginngisanik kinguneqarsinnaasarpog, Naalackersuisulli innuttaasut ineriartornerat peqqissusaallu nakkutigaat pissusissamisullu imaluunniit pisariaqalissagaluarpat tamanna qisuariarfigineqassalluni.

Naalackersuisut taamatut oqaaseqarlutik siunnersuutip aappassaaneerneqarnissaanut tunniussipput.